



Broj: 01-02.4-3-138-8/25
Istočno Sarajevo, 28. 4. 2025. godine

**IZVJEŠTAJ O SPROVOĐENJU SREDNJOROČNOG PLANA RADA
INSTITUTA ZA STANDARDIZACIJU BOSNE I HERCEGOVINE
ZA 2024. GODINU**

Maj 2025. godine

SADRŽAJ

Poglavlje 1. Uvod.....	3
1.1 Kratak opis nadležnosti Instituta za standardizaciju Bosne i Hercegovine	3
1.2 Kratak pregled ciljeva i programa Instituta za standardizaciju Bosne i Hercegovine ..	3
Poglavlje 2. Napredak u ostvarivanju ciljeva.....	4
2.1 Doprinos ostvarenju strateških ciljeva	4
2.2 Doprinos ostvarenju srednjoročnog cilja	7
2.3 Najvažniji rezultati	7
Poglavlje 3. Izazovi u sprovođenju	8
Poglavlje 4. Naučene lekcije	8
Poglavlje 5. Zaključak	9
Tabela B1. IZVJEŠTAJ O SPROVOĐENJU SREDNJOROČNOG PLANA RADA INSTITUTA ZA STANDARDIZACIJU BOSNE I HERCEGOVINE – Programi.....	10
Tabela B2. IZVJEŠTAJ O SPROVOĐENJU SREDNJOROČNOG PLANA RADA INSTITUTA ZA STANDARDIZACIJU BIH – Srednjoročni cilj	13
Tabela B3. IZVJEŠTAJ O PREDLOŽENIM / DONESENIM ZAKONIMA, DRUGIM PROPISIMA I REALIZACIJI RAZVOJNO-INVESTICIJSKIH PROJEKATA/PROGRAMA PREDVIĐENIH SREDNJOROČNIM PLANOM RADA INSTITUCIJE.....	14

Poglavlje 1. Uvod

1.1 Kratak opis nadležnosti Instituta za standardizaciju Bosne i Hercegovine

Institut za standardizaciju Bosne i Hercegovine (u daljem tekstu Institut) je tijelo za standardizaciju Bosne i Hercegovine uspostavljeno prema Zakonu o osnivanju Instituta za standardizaciju Bosne i Hercegovine („Službeni glasnik BiH”, broj 44/04) i Zakonu o standardizaciji Bosne i Hercegovine („Službeni glasnik BiH”, broj 19/01), zaduženo za razvoj i donošenje standarda.

Institut je naučno-stručna institucija, nadležna da:

U području standardizacije: predlaže strategiju standardizacije u Bosni i Hercegovini, priprema i izdaje BAS standarde, predstavlja i zastupa Bosnu i Hercegovinu u evropskim i međunarodnim organizacijama za standardizaciju, te obavlja poslove koji proizilaze iz međunarodnih sporazuma i članstva u tim organizacijama, učestvuje u pripremanju tehničkih propisa, razvija informacijski sistem o standardima i drugim srodnim dokumentima, proglašava standarde BiH (BAS), organizuje i sprovodi specijalističko obrazovanje kadrova u području standardizacije, bavi se izdavačko-publicističkom djelatnošću iz područja standardizacije.

U području ocjenjivanja usaglašenosti: učestvuje u uspostavljanju i održavanju sistema sertifikovanja i homologacije u skladu sa evropskim modelom, zastupa Bosnu i Hercegovinu u evropskim i međunarodnim organizacijama za ocjenjivanje usaglašenosti i organizuje obrazovanje iz područja ocjenjivanja usaglašenosti.

Institut obavlja sljedeće poslove i zadatke iz područja standardizacije:

1. priprema, preuzima, izdaje i održava standarde BiH i druge dokumente iz područja standardizacije BiH;
2. vodi registar standarda BiH;
3. formira stalna i privremena tehnička stručna tijela, koordinacione odbore, tehničke komitete i radne grupe za izvršenje programa rada na poslovima iz područja standardizacije;
4. učestvuje u radu i zastupa interese standardizacije BiH u međunarodnim i evropskim organizacijama za standardizaciju;
5. sakuplja, uređuje i distribuira standarde i druge dokumente te informacije iz područja standardizacije u skladu sa programom rada uz uspostavljanje, vođenje i održavanje odgovarajućih baza podataka;
6. objavljuje BAS standarde na prijedlog odgovarajućeg tehničkog komiteta;
7. izdaje glasilo namijenjeno za obavješćavanje o novim, izmijenjenim, zamijenjenim i povučenim standardima BiH (BAS), te informacije o vijestima i događajima iz područja standardizacije;
8. izvršava i druge zadatke u skladu sa propisima i međunarodnim obavezama Bosne i Hercegovine iz područja standardizacije;
9. obavlja stručno-administrativne poslove za potrebe spoljnih tijela Instituta i potrebe Savjeta za standardizaciju BiH.

1.2 Kratak pregled ciljeva i programa Instituta za standardizaciju Bosne i Hercegovine

Strateškim okvirom institucija BiH do 2030. godine definisani su sljedeći strateški ciljevi Institucija BiH:

Strateški cilj 1: Transparentan, efikasan i odgovoran javni sektor

Strateški cilj 2. Osigurati održiv i pametan ekonomski razvoj

Strateški cilj 3. Društvo jednakih mogućnosti

Misija ISBIH-a:

„Voditi, održavati i kontinuirano poboljšavati sistem standardizacije u Bosni i Hercegovini zastupajući interese svih zainteresiranih strana u oblasti standardizacije, poštujući zahtjeve i preporuke evropskih i međunarodnih organizacija za standardizaciju“.

Vizija ISBIH-a:

Biti institucija za standardizaciju prepoznatljiva međunarodno, regionalno i u Bosni i Hercegovini koja će se svojim stručnim i profesionalnim radom punopravno uključiti u evropski i međunarodni sistem standardizacije.

Institut za standardizaciju BiH čini jedan od osnovnih stubova infrastrukture kvaliteta, i kao takav doprinosi realizaciji sljedećeg srednjoročnog cilja:

“Unaprijediti sistem infrastrukture kvaliteta u skladu sa EU zakonodavstvom i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije”

zajedno sa:

- Ministarstvom spoljne trgovine i ekonomskih odnosa BiH,
- Institutom za akreditovanje BiH,
- Institutom za metrologiju BiH,
- Institutom za intelektualno vlasništvo BiH,
- Agencijom za nadzor nad tržištem BiH,
- Agencijom za javne nabavke BiH,
- Agencijom za osiguranje u BiH,
- Konkurencijskim savjetom.

Srednjoročnim planom rada Instituta za standardizaciju BiH za period 2024-2026. godina (broj: 01-02.4-3-105-15/23 od 10. 7. 2024. godine) definisan je sljedeći specifični cilj:

- Unapređenje procesa pripremanja, donošenja i objavljivanja BAS standarda i ispunjavanje kriterijuma za punopravno članstvo u evropskim organizacijama za standardizaciju (CEN i CENELEC).

U skladu sa prethodno definisanim srednjoročnim i specifičnim ciljem, određen je jedan program:

- Razvoj i održavanje sistema standardizacije u Bosni i Hercegovini i unapređenje usluga Instituta za standardizaciju BiH.

Poglavlje 2. Napredak u ostvarivanju ciljeva

2.1 Doprinos ostvarenju strateških ciljeva

Strateški cilj institucija infrastrukture kvaliteta uključujući i Institut za standardizaciju BiH jeste osigurati održiv i pametan ekonomski razvoj, dok se prioritet odnosi na podsticajno okruženje za razvoj. Kada je u pitanju slobodan protok roba kao jedan od ključnih principa jedinstvenog evropskog tržišta, država Bosna i Hercegovina, kao potencijalni kandidat za članstvo u EU se mora fokusirati na preuzimanje EU propisa koji se odnose na unutrašnje tržište i trgovinu. Slobodan protok roba i kapitala predstavlja osnovu za razvoj svake države članice EU.

U cilju ostvarenja navedenog strateškog cilja, a u skladu sa svojim nadležnostima, Institut je u 2024. godini putem stručnih tijela radio na aktivnostima koje se odnose na pripremanje, donošenje i objavljivanje BAS standarda.

Sa 31. 12. 2024. godine broj važećih BAS standarda i drugih standardizacijskih dokumenata iznosio je 40436 (korekcije nisu uključene). Broj izvornih BAS standarda i standardizacijskih dokumenata je 104. Takođe, zaključno sa navedenim datumom Institut je preuzeo 91,25% evropskih standarda koje je objavio Evropski komitet za standardizaciju (CEN), 94,97% evropskih standarda koje je objavio Evropski komitet za standardizaciju u oblasti elektrotehnike (CENELEC) i 98% standarda koje je objavio Evropski institut za standardizaciju u oblasti telekomunikacija (ETSI).

Institut je punopravni član: Međunarodne organizacije za standardizaciju (ISO) od 1997. godine i Evropskog instituta za standardizaciju u oblasti telekomunikacija (ETSI) od 1997. godine. Pridruženi je član: Međunarodne komisije za elektrotehniku (IEC) od 1997. godine, Evropskog komiteta za standardizaciju u oblasti elektrotehnike (CENELEC) od 1999. godine i Evropskog komiteta za standardizaciju (CEN) od 2008. godine. Jedan od strateških ciljeva Instituta je ispunjavanje kriterijuma za punopravno članstvo u evropskim organizacijama za standardizaciju CEN/CENELEC. Da bi Institut mogao da aplicira za punopravno članstvo u CEN/CENELEC-u neophodno je da se ispune zahtjevi koje su definisale ove organizacije. Institut je u proteklom periodu radio na ispunjavanju kriterijuma za punopravno članstvo u evropskim organizacijama za standardizaciju CEN/CENELEC..

Da bi Institut mogao da aplicira za punopravno članstvo u CEN/CENELEC-u neophodno je i da država Bosna i Hercegovina ispuni određene zahtjeve koje su definisale ove organizacije za standardizaciju, uključujući i usaglašavanje zakonodavstva Bosne i Hercegovine sa zakonodavstvom Evropske unije.

Jedan od uslova za sticanje statusa punopravnog člana u pomenutim organizacijama je i preuzimanje najmanje 80% evropskih standarda i harmonizovanih dokumenata. Zaključno sa 31. 12. 2024. godine taj procenat iznosi 92,38% (koje su objavili CEN i CENELEC).

Institut je obavezan obavještavati evropske organizacije za standardizaciju CEN, CENELEC i ETSI o svim preuzetim evropskim standardima i drugim standardizacijskim dokumentima. To je jedan od zahtjeva, a koji se treba redovno izvršavati u procesu ispunjavanja zahtjeva za punopravno članstvo u evropskim organizacijama za standardizaciju CEN-a i CENELEC-a. Ista obaveza za Institut proističe iz već punopravnog članstva u ETSI-ju.

Podaci za CEN i CENELEC učitavaju se u sistem CEN-CENELEC iPROJEX, modul National implementation. U 2024. godini učitani su podaci za 1.216 dokumenata. Podaci za ETSI učitavaju se u sistem ETSI portala, modul *Transpose via File*. U 2024. godini učitani su podaci za 16 dokumenta.

Institut je kao punopravni član Međunarodne organizacije za standardizaciju (ISO) izvršavao obaveze koje proizilaze iz punopravnog članstva.

Institut je aktivni član (*P-member*) u:

- ISO/TC 34/SC 12, *Sensory analysis*,
- ISO/CASCO, *Committee on conformity assessment*,
- ISO/TC 193/SC 1, *Analysis of natural gas*,
- ISO/TC 176, *Quality management and quality assurance*,
- ISO/TC 334, *Reference materials*.

Shodno tome odgovarajući tehnički komiteti u 2024. godini glasali su ukupno na 67 radnih dokumenata u različitim fazama izrade i to na: 6 nacrtu komiteta (ISO/CD), 1 nacrt tehničkog izvještaja (ISO/DTR), 2 nacrtu međunarodnih standarda (ISO/DIS) i 9 konačnih nacrtu međunarodnih standarda (ISO/FDIS), te 19 glasanja o međunarodnim standardima koji se periodično preispituju (SR).

Takođe, članovi odgovarajućih BAS/TC-a odnosno zaposlenici Instituta su aktivno učestvovali na sastancima sljedećih tehničkih tijela i to:

- Član tehničkog komiteta BAS/TC 43, *Hrana*, učestvovao je na virtualnom sastanku tehničkog podkomiteta ISO/TC 34/SC 12, koji je održan 24. maja 2024. godine.
- Zaposlenik ISBIH-a, je učestvovao na virtualnom sastanku komiteta ISO/CASCO, koji je održan 25. oktobra 2024. godine.
- Članica tehničkog komiteta BAS/TC 31, *Gas i gasna tehnika*, učestvovala je na 2 virtualna sastanka radne grupe ISO/TC 193/SC 1/WG 24, koji su održani 16. maja i 28. oktobra 2024. godine, te na 3 virtualna sastanka radne grupe ISO/TC 193/SC 1/WG 25, koji su održani 2. aprila, 26. avgusta i 3. decembra 2024. godine.
- Članica tehničkog komiteta BAS/TC 66, *Referentni materijali*, učestvovala je na virtualnom sastanku radne grupe ISO/TC 334/WG 8 koji je održan 16. aprila 2024. godine.

Takođe, članica tehničkog komiteta BAS/TC 31, *Gas i gasna tehnika*, je imenovana za voditelja radne grupe ISO/TC 193/SC 1/WG 21, *Revision of ISO 10101*, na trogodišnji period 2025-2027, počevši od 1. 1. 2025. godine.

Institut je u proteklom periodu razvijao i unapređivao već uspostavljenu bilateralnu i multilateralnu saradnju sa odgovarajućim tijelima, organizacijama i institucijama iz oblasti standardizacije u cilju razmjene iskustava, znanja, zajedničkog rada i promocije djelovanja Instituta, kao i promocije Bosne i Hercegovine u cjelini. Institut ima potpisane sporazume/memorandume o razumijevanju i saradnji u oblasti standardizacije sa državnim tijelima za standardizaciju Srbije, Crne Gore, Makedonije, Hrvatske, Irana, Češke Republike, Turske, Albanije, Jermenije, Ruske Federacije, Moldavije, Kine, Španije, Azerbejdžana.

U skladu sa zahtjevima EU Uredbe broj 1025/2012 kojom se uređuje evropski standardizacijski sistem, svako evropsko i nacionalno tijelo za standardizaciju mora barem jednom godišnje izraditi svoj program rada. Objavljivanje programa rada takođe je obaveza koju nacionalna tijela za standardizaciju preuzimaju prihvatanjem WTO TBT Kodeksa dobre prakse za pripremu, usvajanje i primjenu standarda, a čije je prihvatanje utvrđeno Sporazumom o tehničkim preprekama u trgovini Svjetske trgovinske organizacije (WTO). Institut je na web stranici objavio Program rada Instituta na usvajanju standarda i drugih standardizacijskih dokumenata za 2024. godinu.

Bosna i Hercegovina nije članica WTO-a, ali Institut je prihvatio Kodeks dobre prakse za pripremu, usvajanje i primjenu standarda. Od svih članova WTO-a se traži da uspostave nacionalne informacione i notifikacione tačke u skladu sa uredbama Sporazuma o tehničkim barijerama u trgovini. Institut je nadležan za notifikaciju standarda u skladu sa evropskim zakonodavstvom i evropskim organizacijama za standardizaciju. Upiti i informacije su povezani i pohranjeni u jednom informacionom sistemu (ENP sistem). Dokumenti se iz Instituta šalju kontakt tačkama koje su uspostavljene na nivoima vlada, ministarstava na entitetskom i državnom nivou, Brčko Distrikta, privrednim komorama. U toku 2024. godine putem ENP sistema je odgovoreno na 56 upita.

Institut od 2009. godine ima uspostavljen sistem upravljanja kvalitetom u skladu sa zahtjevima standarda BAS EN ISO 9001. Integrisani sistem upravljanja u skladu sa zahtjevima standarda BAS EN ISO 9001:2015 i BAS ISO/IEC 27001:2015 je uspostavljen od 2017. godine i Institut kontinuirano radi na unapređenju istog.

Takođe, Institut raspolaže hardverskim i softverskim tehnologijama koje mu omogućavaju efikasno obavljanje svih aktivnosti. Za upravljanje procesom standardizacije, standardima i standardizacijskim dokumentima Institut koristi Sistem za informisanje i upravljanje standardima (ISBIH SMIS). U 2024. godini kontinuirano je vršeno održavanje hardvera, sistemskog softvera i mreže, te unapređenje i održavanje web stranice.

Radi unapređenja znanja i rada, zaposleni su prisustvovali različitim vrstama obuka i seminara u organizaciji evropskih i međunarodnih organizacija za standardizaciju, Agencije za državnu službu BiH, Direkcije za evropske integracije BiH i sl.

2.2 Doprinos ostvarenju srednjoročnog cilja

Institut je dužan je da doprinese realizaciji srednjoročnog cilja koji glasi:

Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije.

Institut je u 2024. godini u skladu sa svojim nadležnostima sprovodio aktivnosti koje se odnose na unapređenje Sistema infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije. Tehnički komiteti Instituta prate rad 97% evropskih tehničkih komiteta, te 70% međunarodnih tehničkih komiteta.

Radi planiranja, pripreme, utvrđivanja nacrti i prijedloga BAS standarda, praćenja primjene standarda, njihovog sistematskog preispitivanja i revizije, te praćenja međunarodne i evropske standardizacije formiraju se tehnički komiteti, kao stručna tijela Instituta (BAS/TC). Zaključno sa 31. 12. 2024. godine Institut je imao 59 aktivnih tehničkih komiteta iz različitih oblasti standardizacije. Javni poziv za članstvo u tehničkim komitetima je stalno otvoren. U radu tehničkih komiteta i radnih grupa uključen je 651 ekspert iz različitih interesnih grupa (industrija, usluge, tijela državne uprave, privredne komore, univerziteti, udruženja potrošača, nevladine organizacije i strukovna udruženja).

Pregled usvojenih evropskih i međunarodnih standarda u 2024. godini prikazan je u Tabeli 1.

<i>Godina</i>	<i>Broj usvojenih evropskih standarda</i>	<i>Broj usvojenih međunarodnih standarda</i>	<i>Ukupno</i>	<i>BAS standardi usvojeni metodom prevoda</i>	<i>Izvorni BAS standardi/standardizacijski dokumenti</i>	<i>Broj održanih sjednica stručnih tijela Instituta</i>
<i>(1)</i>	<i>(2)</i>	<i>(3)</i>	<i>(4) = (2)+(3)</i>	<i>(5)</i>	<i>(6)</i>	<i>(7)</i>
2024.	1275	498	1773	36	0	75

Tabela 1.

Institut je u 2024. godini obezbijedio uslove za rad na pripremi propisa, čiji su nosioci druge institucije BiH, kao i na usaglašavanju regulative Bosne i Hercegovine (zakona i drugih propisa) sa propisima Evropske unije (uredbe i direktive) sa aspekta planiranja i preuzimanja standarda na koje se ti propisi pozivaju. Vršeno je preuzimanje i praćenje promjena harmonizovanih standarda uz direktive novog pristupa. Broj preuzetih harmonizovanih i drugih evropskih standarda čije su reference objavljene u službenom listu Evropske unije (EU Direktive i Uredbe) u 2024. godini je 77. Redovno je vršeno objavljivanje, vođenje i ažuriranje pregleda harmonizovanih standarda uz direktive novog pristupa na web stranici Instituta.

Institut je u proteklom periodu održavao dobru saradnju sa institucijama infrastrukture kvaliteta kroz učešće njihovih predstavnika u radu stručnih tijela Instituta. Takođe, predstavnici Instituta su učestvovali u radu stručnih tijela navedenih institucija kao i u radu radne grupe za izradu Strategije infrastrukture kvaliteta.

2.3 Najvažniji rezultati

Najvažniji rezultati koje je Institut ostvario u 2024. godini odnose se na:

- povećanje broja evropskih i međunarodnih standarda,
- povećanje broja standarda preuzetih metodom prevoda,
- unapređenje saradnje sa evropskim, međunarodnim, regionalnim organizacijama za standardizaciju,
- učešće u radu tehničkih komiteta Međunarodne organizacije za standardizaciju,
- rad i rezultati Ex-komisije koja egzistira kao stalno stručno tijelo Instituta za standardizaciju BiH i koja je angažovana na ispitivanju i sertifikaciji električnih uređaja koji se koriste u

prostorima ugroženim od eksplozivnih smjesa zapaljivih gasova, para zapaljivih tečnosti i zapaljivih prašina s vazduhom, ali rješava i sve druge probleme vezane za ovu problematiku, bilo u rudnicima sa podzemnom eksploatacijom ili na nadzemnim mjestima. Pregled podnesenih zahtjeva, obrađenih sertifikata i ostvarenih prihoda u 2024. godini prikazan je u Tabeli 2.

<i>Godina</i>	<i>Broj podnesenih zahtjeva</i>	<i>Broj obrađenih sertifikata i stručnih mišljenja</i>	<i>Ostvareni prihodi</i>
2024.	64	112	36.039,77 KM

Tabela 2.

- sprovedene su aktivnosti koje se odnose na podizanje nivoa svijesti javnosti o važnosti i ulozi standarda i standardizacije, kao i o informisanju o aktivnostima u oblasti standardizacije na BiH, evropskom i međunarodnom nivou kroz učešće predstavnika Instituta na seminarima, konferencijama, sastancima, pripremanje i publikovanje vijesti putem Godišnjeg izvještaja, Glasnika te ISBIH Newsletter-a.

Poglavlje 3. Izazovi u sprovođenju

Glavni izazovi u sprovođenju aktivnosti vezanih za realizaciju projekata/programa/specifičnih ciljeva definisanih Srednjoročnim planom rada Instituta za standardizaciju BiH za period 2024-2026. godina u 2024. godini bili su:

- kada je u pitanju punopravno članstvo u evropskim organizacijama za standardizaciju CEN i CENELEC, veliki izazov je predstavljao objavljivanje novog izdanje "CEN/CENELEC Internal Regulations Part 1
- ograničena budžetska sredstva i nedovoljno jačanje administrativnih kapaciteta,
- nemogućnost korištenja sredstava iz IPA fondova zbog nepostojanja Strategije infrastrukture kvaliteta na nivou Bosne i Hercegovine,
- privlačenje, uključivanje i aktivnije učešće svih zainteresovanih strana u radu stručnih tijela Instituta uključujući predstavnike malih i srednjih preduzeća u BiH - MSP,
- mali broj standarda preuzetih metodom prevoda zbog nedovoljno raspoloživih budžetskih sredstava,
- nedonošenje novih tehničkih propisa od strane nadležnih ministarstva koji bi zamijenili stare jugoslovenske propise a na osnovu čega bi se van snage stavljali JUS standardi,
- povećanje nivoa svijesti javnosti o važnosti i ulozi standarda i standardizacije s jedne strane zbog ograničenih sredstava i nedovoljno adekvatno obučenog BAS osoblja,
- što se tiče formiranja sertifikacionih tijela veliki izazov predstavlja mali broj državnih službenika koji radi na ovim poslovima a koji nisu prošli određene specijalističke obuke u ovoj oblasti,
- kada je u pitanju on line prodaja, veliki izazov predstavlja podizanje nivoa svijesti javnosti o važnosti zaštite autorskih prava.

Poglavlje 4. Naučene lekcije

U 2024. godini prilikom realizacije planiranih aktivnosti Instituta, naučene lekcije se odnose na sljedeće:

- kada je u pitanju rad Instituta i samo planiranje procenta preuzetih standarda, veliku važnost i značaj predstavlja obezbjeđivanje učešća predstavnika Instituta na različitim vrstama događaja koje organizuju evropske i međunarodne organizacije za

standardizaciju. Na taj način Institut dolazi do informacija koje se odnose na najbolja iskustva u radu, kao i do informacija vezanih za novosti u oblasti standardizacije,

- saradnja sa nacionalnim tijelima za standardizaciju drugih zemalja, a na osnovu potpisanih sporazuma o saradnji je veoma značajna, u smislu razmjene informacija, iskustava i zajedničkog rada u području standardizacije,
- važnost i značaj dobrog planiranja budžetskih sredstava,
- važnost aktivnog učestvovanja i obezbjeđivanja uslova za rad na pripremi propisa, čiji su nosioci druge institucije BiH, kao i na usaglašavanju regulative BiH (zakona i drugih propisa) sa propisima Evropske unije (uredbe i direktive),
- značaj efikasne koordinacije između sektora i zaposlenih unutar Instituta,
- značaj obezbjeđivanja transparentnog rada Instituta,
- značaj stalnog obučavanja i usavršavanja znanja svih zaposlenih,
- značaj koji imaju utvrđivanje i analize rizika,
- značaj definisanja poslovnih procesa i jasno definisanje ovlaštenja, odgovornosti,
- značaj odgovornog pristupanja zaposlenih radnim zadacima i obavezama,
- održavanje i unapređenje IT sistema Instituta,
- značaj aktivnosti koje se odnose na promociju Instituta i standardizacije.

Poglavlje 5. Zaključak

Institut je u 2024. godini, u skladu sa svojim nadležnostima aktivno sprovodio aktivnosti i doprinio realizaciji ciljeva koji su definisani Srednjoročnim programom rada Savjeta ministara Bosne i Hercegovine za period 2024-2026. godina.

Izveštaj o sprovođenju aktivnosti Srednjoročnog plana rada Instituta za standardizaciju BiH za 2024. godinu prikazuje skup ostvarenih rezultata rada, sa ocjenom njihovog doprinosa ostvarenju srednjoročnog cilja, ali sadrži i pregled drugih realizovanih aktivnosti.

Takođe, definisani su izazovi, naučene lekcije i problemi na koje smo nailazili prilikom realizacije aktivnosti u navedenom vremenskom periodu, a o kojima treba voditi računa u narednom periodu, odnosno na osnovu kojih treba definisati i sprovoditi mjere kako bi njihov uticaj bio što manji.

U Tabeli 3. prikazan je pregled odobrenih i realizovanih sredstava u 2024. godini.

Godina	<i>Odobreno Zakonom o budžetu institucija BiH i međunarodnih obaveza BiH</i>	<i>Realizovano</i>
2024.	1.866.000,00 KM	1.780.133,00 KM

Tabela 4.

U tabelama B1 i B2 (Izveštaj o sprovođenju Srednjoročnog plana rada Instituta za standardizaciju BiH - Programi i Izveštaj o sprovođenju Srednjoročnog plana rada Instituta za standardizaciju BiH - Srednjoročni cilj), koji čine prilog Izveštaja, dat je pregled sprovođenja programa, odnosno srednjoročnog cilja i prikazana je realizacija pokazatelja koji su definisani Srednjoročnim planom rada uz obrazloženja za svaki pokazatelj.

Takođe, u tabeli B3: Izveštaj o predloženim/donesenim zakonima, drugim propisima i realizaciji razvojno - investicionih projekata/programa predviđenih Srednjoročnim planom rada Instituta za standardizaciju BiH, dat je pregled podzakonskih akata čije donošenje je planirano u proteklom periodu.

Direktor

Aleksandar Todorović

Tabela B1. IZVJEŠTAJ O SPROVOĐENJU SREDNJOROČNOG PLANA RADA INSTITUTA ZA STANDARDIZACIJU BOSNE I HERCEGOVINE – Programi

Strateški cilj:		Osigurati održiv i pametan ekonomski razvoj									
1	2	3	4	5	6	7	8	9	10	11	12
	Pokazatelj	Opis pokazatelja	Jedinica mjerenja (% , broj ili opisno)	Polazna vrijednost pokazatelja 2023	Ciljana vrijednost pokazatelja 2024	Ciljana vrijednost pokazatelja 2025	Ciljana vrijednost pokazatelja 2026	Trenutna vrijednost pokazatelja 2024	Ostvaren je cilja (DA/NE)	Obrazloženje	Nosioci/ koordinatori aktivnosti
Srednjoročni cilj 1.5: Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije											
Specifični cilj: Unapređenje procesa pripremanja, donošenja i objavljivanja BAS standarda i ispunjavanje kriterijuma za punopravno članstvo u evropskim organizacijama za standardizaciju (CEN i CENELEC)	Procenat preuzetih evropskih standarda (EN)	Pokazatelj se odnosi na procenat standarda i drugih standardizacijskih dokumenata koje je Institut preuzeo od evropskih organizacija za standardizaciju	%	92%	92%	92%	93%	92,3%	DA	-	Institut za standardizaciju BiH
	Procenat preuzetih harmonizovanih standarda	Pokazatelj se odnosi na procenat harmonizovanih standarda koje je Institut preuzeo od evropskih organizacija za standardizaciju	%	95%	95%	95%	96%	97,9	DA	-	Institut za standardizaciju BiH

Procentat preuzetih međunarodnih standarda	Pokazatelj se odnosi na procenat standarda i drugih standardizacijskih dokumenata koje je Institut preuzeo od međunarodnih organizacija za standardizaciju	%	60%	60%	60%	60%	60%	62	DA	-	Institut za standardizaciju BiH
Broj izrađenih izvornih BAS standarda	Broj izvornih BAS standarda koje su izradila i usvojila stručna tijela Instituta	Broj	44	44	44	44	44	44	DA	-	Institut za standardizaciju BiH
Broj izrađenih izvornih BAS standardizacijskih dokumenata	Broj izvornih BAS standardizacijskih dokumenata koje su izradila i usvojila stručna tijela Instituta	Broj	60	60	60	60	60	60	DA	-	Institut za standardizaciju BiH
Ispunjenost definisanih kriterijuma za punopravno članstvo u CEN i CENELEC-u	Procenat ispunjenih kriterijuma potrebnih za punopravno članstvo u evropskim organizacijama za standardizaciju	%	85%	85%	90%	95%	85%	85%	DA	-	Institut za standardizaciju BiH i država Bosna i Hercegovina

		ciju CEN i CENELEC									
Program 1.5.6. Razvoj i održavanje sistema standardizacije u Bosni i Hercegovini i unapređenje usluga Instituta za standardizaciju BiH	Ukupan broj objavljenih BAS standarda i drugih standardizacijskih dokumenata	Broj standarda i drugih standardizacijskih dokumenata koje je Institut objavio	Broj	39425	40400	41300	42200	40436	DA	-	Institut za standardizaciju BiH
	Broj evropskih i međunarodnih organizacija za standardizaciju u kojima je ISBIH punopravni član	Broj evropskih i međunarodnih organizacija za standardizaciju u kojima je ISBIH punopravni član	Broj	2	2	2	2	2	DA	-	Institut za standardizaciju BiH
	Broj obrađenih zahtjeva	Broj obrađenih zahtjeva koji se odnose na prodaju standarda, info centar i Ex komisiju	Broj	916	958	971	981	876	NE	U postupku planiranja nije moguće precizno predvidjeti broj zahtjeva koji će Institut primiti.	Institut za standardizaciju BiH

Tabela B2. IZVJEŠTAJ O SPROVOĐENJU SREDNJOROČNOG PLANA RADA INSTITUTA ZA STANDARDIZACIJU BIH – Srednjoročni cilj

Strateški cilj: Unaprijediti razvoj konkurentnog ekonomskog okruženja											
1	2	3	4	5	6	7	8	9	10	11	12
Srednjoročni cilj	Pokazatelj	Opis pokazatelja	Jedinica mjerenja (% , broj ili opisno)	Polazna vrijednost pokazatelja 2023	Ciljana vrijednost pokazatelja 2024	Ciljana vrijednost pokazatelja 2025	Ciljana vrijednost pokazatelja 2026	Trenutna vrijednost pokazatelja 2024	Ostvarenje cilja (DA/NE)	Obrazloženje	Nosioci/ koordinatori aktivnosti
Srednjoročni cilj 1.5. Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	Pokrivenost sistema evropske i međunarodne standardizacije sistemom standardizacije BiH, sa aspekta rada stručnih tijela Instituta	Pokazatelj pokazuje koliki procenat evropskih i međunarodnih tehničkih komiteta prate tehnički komiteti Instituta	%	98,5% evropskih tehničkih komiteta; 75% međunarodnih tehničkih komiteta	99% evropskih tehničkih komiteta; 70% međunarodnih tehničkih komiteta	99% evropskih tehničkih komiteta; 70% međunarodnih tehničkih komiteta	100% evropskih tehničkih komiteta; 70% međunarodnih tehničkih komiteta	96,7% evropskih tehničkih komiteta; 71,5% međunarodnih tehničkih komiteta	NE	U 2024. godini evropske organizacije za standardizaciju osnovale su nove tehničke komitete koji trenutno nemaju niti jedan objavljen standard. Shodno navedenom tehnički komiteti ISBIH-a nisu pratili rad istih te je procenat nešto manji.	Institut za standardizaciju BiH

Tabela B3. IZVJEŠTAJ O PREDLOŽENIM / DONESENIM ZAKONIMA, DRUGIM PROPISIMA I REALIZACIJI RAZVOJNO-INVESTICIJSKIH PROJEKATA/PROGRAMA PREDVIĐENIH SREDNJOROČNIM PLANOM RADA INSTITUCIJE

Opšti cilj / princip razvoja:		Integrirani rast										
Strateški cilj:		Unaprijediti razvoj konkurentnog ekonomskog okruženja										
1	2	3	4	5	6	7	8	9	10	11	12	13
Srednjoročni cilj	Specifični ciljevi	Programi	Zakoni	Podzakonski akti	Usklađivanje s pravnim nasljeđem EU-a (DA ili NE)	Planirano razdoblje za donošenje	Izvršeno (razdoblje izvršenja / NE)	Komentar	Naziv projekta javnih investicija	Očekivano razdoblje realizacije	Završen (DA/NE)	Komentar
Srednjoročni cilj 1.5. Unaprijediti sistem infrastrukture kvaliteta u skladu sa EU zakonodavstvom i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije	Unapređenje procesa pripremanja, donošenja i objavljivanja BAS standarda i ispunjavanje kriterijuma za punopravno članstvo u evropskim organizacijama za standardizaciju (CEN i CENELEC)	Program 1.5.6. Razvoj i održavanje sistema standardizacije u Bosni i Hercegovini i unapređenje usluga Instituta za standardizaciju BiH	-	-	-	-	-	-	-	-	-	-